

Das fünffte Capitel.

Von weissen Jaghunden/ihrer Art vnd  
Herkommen.

**D**ie weiß Art von Hunden kompt auß Barbary her / wie bey  
Käuffleut so in die selbige Land Schifffen zu erkündigē / die erzehlen / daß selbige  
König vil mühe / fleiß vnd vnkosten auff die Jagten legen / vnd das fast alle ire  
Hund im Land weiß von Haaren seyn / vnnnd den Hirsch par force leichtlich  
fangen. Diese Hund seyn von wegen der warmen Landsart / der Hiß sehr wol  
gewohnt / fallen vñ lassen derwegen nicht so bald wie andere Hund ab / wie heiß  
es auch ist / sonder beharren vnd bleiben / vnnnd lassen sich hierinn weder Hiß noch anders abwenden.

Das sechste Capitel.

Von den schwarzen Hunden der Apthey zu Sanct  
Hubert in Ardene.

**D**ie seyn außserwehlte gute Hund / vnd ist ihre Art in gedachter Ap-  
they allzeit zu finden / Sie seyn nunmehr fast in alle Teusche Jäger häuser außges-  
theilt / wiewol es wenig Jäger wissen / Starck von Leib / nicht hoch von Füßen /  
fürchten kein Wasser noch Kälte nicht / vnd begeren sonderlich der starckriechens-  
den Thier / Als da seyn Schwein / Beeren / Füchs / vnd andere dergleichen.

Das siebende Capitel.

Von grauen Hunden/ihrer Art vnd Herkommen

**D**er rauwe Hund haben die König auß Frankreich vnd Fürsten von  
Alencon / allzeit vnder ihren Hunden bevor gehalten. Sie können allerley Hand-  
werk / das ist / sie jagen mit allerley Thieren / vnnnd seyn derhalb viel mehr denen  
vom Adel / denn Königen / Fürsten oder Herrn zu gebrauchen / Item sie lassen  
sich leichtlich von getreng vnnnd menge der Ross vnnnd Jäger abschrecken / vnnnd  
folgen dem Thier nicht gern / so viel wischßlet.

Das achte Capitel.

Merckzeichen wie man ein schönen vnd guten.  
Hund erkennen sol.

**I**n jeder schöner vnd guter Jaghund / er sey gleich gefärbt wie er  
wolle / sol einen mittelmässigen vnd nicht gar dicken Kopff haben / die Naslöcher  
sollen groß vnd offen / die Ohren breit vnd zimlich dick / der Ruck eingeschweiff /  
die Hufte breit vnd wolgesetzt / die Knie gerad vnd starck / der Schwanz oben bey  
dem Leib fein dick / vnden aber bis zu eusserst gering seyn / am Bauch sol er rauhe  
Haar / vnden darzu dicke Schenckel / dörre Gleich / wie der Füchs geschaffene  
Lapen / auch dicke Klauen haben / vnnnd damit er schnell vnnnd behend sey / so sol  
hinder vnnnd forder Theil in einer höhe seyn / der Hund sol von Leib  
kurt / die Hündtin lang seyn.